



SABIMA
Mariboegs gate 8
0183 OSLO

Saksbehandlar, innvalstelefon

Ola Betten, 71 25 84 76

Innsamling av biologisk materiale i naturreservata Surna, Søysetøran, Brøskjalia og Kallset i Surnadal kommune

Vi viser til søknad av 29.06.2021 om innsamling av insekt og edderkoppdyr, mosar, karplantar, lav og sopp i samband med eit feltkurs 19 - 22.08.2021. Det er planlagt å samle slikt biologisk materiale i Surna naturreservat, Søysetøran naturreservat, Brøskjalia naturreservat og Kallset naturreservat.

Lovgrunnlaget

Surna naturreservat vart verna 27.05.1988 med føremålet å ta vare på eit viktig våtmarksområde med tilhøyrande plantesamfunn, fugleliv og anna dyreliv. All vegetasjon og alt vilt er freda mot all form for skade og øydelegging.

Søysetøran naturreservat vart verna 02.11.2002 med føremålet å ta vare på det biologiske mangfaldet i eit intakt elvedelta. Vegetasjonen og dyrelivet er freda mot skade og øydelegging.

Brøskjalia naturreservat og Kallset naturreservat vart verna 27.06.2003 med føremålet å ta vare på artsrike edellauvskogslokalitetar med det naturlege plante- og dyrelivet. All vegetasjon og alt dyreliv er freda mot skade og øydelegging.

Alt uttak av planter er i strid med verneforskrifta, likeeins uttak av insekt og edderkoppdyr i Søysetøran, Brøskjalia og Kallset. Surna naturreservat har ikkje bestemmingar om dette. Det er ingen unntak eller spesielle dispensasjonsbestemmingar i verneforskriftene, og tiltaket må difor ha dispensasjon frå vernereglane etter naturmangfaldlova (nml) § 48.

Statsforvaltaren har heimel for å gi dispensasjon frå verneforskriftene i § 48 i nml, der det heiter: *Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, eller dersom sikkerhets hensyn eller hensynet til vesentlige samfunnsinteresser gjør det nødvendig. (...).*

Vi kan ikkje behandle nokon dispensasjon for Heim-delen av Kallset naturreservat, då denne ligg i Trøndelag.



Søknaden må vurderast etter prinsippa i nml §§ 8-12, jf. § 7. Dette er prinsipp som omfattar vurdering av kunnskapsgrunnlag (§8), føre-var-omsyn (§9), samla belastning (§10), kostnadar knytt til ev. skade på naturmangfald (§11) og miljøforsvarleg teknikk og driftsmetode (§12).

Statsforvaltaren si vurdering

Ein del av formålet for naturreservata er å ta vare på sjeldne artar. Dette inkluderer også kryptogamar og lågareståande dyreliv. Innsamling til dokumentasjon og sikker bestemming av artar som gjennomførast for å auke kunnskapen om kva slags artar som finst i områda er dermed nyttig kunnskap for forvaltninga. Dette kan hjelpe forvaltninga i å ta betre vare på artane og områda artane lever i. Nyttan av kartlegginga er dermed større enn ulempa det vil vere av å samle inn belegg frå artane.

Kartlegginga vil auke kunnskap om artsmangfaldet i områda. Det å samle avgrensa belegg er ikkje skadeleg for artane, og kartlegginga i naturreservata vil ikkje påverke verneverdiane nemneverdig, jf. nml § 48. Heilskapen i naturreservata blir ikkje vesentleg påverka, jf. nml §§ 8 og 10. Det er satt vilkår for dispensasjonen, jf. nml §§ 11 og 12. Naturmangfaldlova § 9 er ikkje tillagt vesentleg vekt.

Vedtak

Statsforvaltaren gir Sabima v/Helene Lind Jensen dispensasjon frå verneforskriftene for Surna, Søysetøran, Brøskjalia og Kallset naturreservat til å samle belegg av insekt og edderkoppdyr, mosar, karplantar, lav og sopp i 2021 slik det går frem i søknad av 29.06.2021, og på dei vilkåra som er sett opp nedanfor. Heimel for vedtaket er § 48 i naturmangfaldlova.

Vilkår

- Dei fire naturreservata har som formål å ta vare på sjeldne artar, og det er viktig at innsamling av belegg er skånsamt og at det ikkje blir tatt ut meir enn det som er nødvendig for dokumentasjon og bestemming av artar.
- Vedtaket er gyldig ut august 2021.
- Statsforvaltaren må kunne gjere seg kjent med kva slags artar som blir kartlagt, gjerne via artsobservasjoner.no, ei liste med artane eller ein kartleggingsrapport.

Anna lovverk

Vi gjer merksam på at vedtaket berre omfattar dispensasjon frå verneforskrifta i medhald av naturmangfaldlova. Nødvendige løyve etter anna lovverk må avklarast med rette styresmakter.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Bjarne Otnes (e.f.)
fagleiar

Ola Betten
prosjektleder

Dokumentet er elektronisk godkjent

Kopi til:

Risken v/Anders Røynstrand Øvre Halåsveg 18 6490 EIDE